

INUIT ATAQATIGIIT INATSISARTUNI



UKA 2022/93

Agathe Fontain

Oktobarip 19-iat 2022

Kommunit aqqissugaanerisa allannguutaat1 pillugit Naalackersuisut nalilersuinissamik suliaqaqqullugit peqquneqassasut Inatsisartut aalajangiiffigisassaattut siunnersuut. Aqqissuussaanermi allannguutaasimasut pitsaaqautai ajoqutaalu nalilersorneqassapput, sumiiffimmilu demokratiimut kommunillu aningaasaqarnerannut sunniuteqarsimanersoq, kiisalu allaffissornikillisaaniarnermut siunertaasimasoq piviusunngortinneqarsimanersoq nalilersorneqassallutik. Nalilersuineq UPA2024 nallertinnagu Inatsisartunut agguaassorneqassaaq. (Medlem af Inatsisartut Aqqalu C. Jerimiassen, Atassut)

Siunnersuuteqartup apeqquteqaat aallaavigalugu oqallissimaneq UPA 2020/38-mi aallaavigalugu aaliangiiffissamik siunnersuuteqarpoq.

Tassani oqallinnermi amerlanerussuteqartut, qanoq inissisimanerup erseqqissumik qulaajartariaqarneranik oqaaseqarsimammata.

Oqallinnermi pineqartumi Naalackersuisut akissuteqaataanni atuarneqarsinnaavoq:

- Innuttaasunik sullissinermik pitsaanerusumik sunniuteqarluarnerusumillu pilersitsisoqarsimasoq
- Inatsisitigut isumannaatsuusitsineq qaffatsinneqarsimasoq.

INUIT ATAQATIGIIT INATSISARTUNI



- Innuttaasut pisortanukartarnerat ajornannginnerulersimasoq.

Naliliisimanerullu aamma ersersikkaa, naliliinerup inassuteqaatai suli piviusungortittarneri ingerlaartut.

Aammali ersersinneqarsimasoq, 2005-mi inassuteqaatit neriuutigineqartutut ilaat sukkatigisimangitsut. Sulialli ingerlanneqartut.

Najukkami ataatsimiititaliat tassaapput kommunit iluanni, innuttaasut oqartussaaqataanerisa aqqutit toqqaannarnerusut. Najukkani ataatsimiititaliat sulilluarpata, pitsaasuussaaq. Tamannalu kissaatiginartorujussuuvoq.

Naatsorsuutigissavarput kommunit tamarmik kommunerujussuanngornerup pilersinneraniit ullumikkumut aningaasatigut qanoq inissisimasoqarnerusooq, saqqummiuttaraat.

Kisimiilluni kommunejugallarami aningaasartuutit qanoq inissisimanersut, inuttussuseq aallaavigalugu agguataarineq qanoq ittuunersooq.

Kisitsisimmi tamakku piginerini, ersertarmat, innuttaasunut aningaasartuutit qanoq ittuusarnerusut.

Soorlumi aamma naatsorsorneqarsinnaasartut, illoqarfikkoortumik aningaasartuutit, isertitallu qanoq ittuunersut.

Nalunaarusiat arlallit suliarineqareersimapput. Nutaamillu taakkutuut nalunaarusiornikkut assiliaq allanngussanersooq apeqqusernarpoq.

INUIT ATAQATIGIIT INATSISARTUNI



Inuit Ataqatigiinniit soqutigaarput, innuttaasut nammineq qanoq kommunerujussuanngorneq misigineraat, nalilersussagaat.

Soqutiginarlutut paasissallugu isigaarput aamma innuttaasut akisussaaffimmik tiguserat. Isumaqaratta inuiaqatigiit ingerlaasianni allannguinermit innuttaasut aamma akisussaaffimmik tiguserissaat pisariaqartuaannartuusoq.

Kommunitut ataatsitut isiginnittarnissaq pisariaqarpoq, kommunip ataatsip iluani illoqarfikkaarluni imminnut akerlereeqattaarneq ineriartorfiunngimmat.

Taammaattumik allannguutissatut siunnersuuteqarpugut imaattumik.:

Maanna sinaakkutissarititaasut innuttaasunut sullissinnermut qanimullu oqartussaaqataanermut tunngatillugu innuttaasut misilittagaat misigisartagaallu aallaavigalugit kommunit aqqissuunneqanerannik nalilersuinissamik Naalakkersuisut peqquneqarnissaat pillugu Inatsisartuni aalajangiiffigisassatut siunnersuut. Nalilersuinnermut atugassatut nunatsinni innuttaasunut naapertuuttunik siaruarsimasumik peqataaffigineqartumik innuttaasut iluarisimaarinninnerannik misissuisoqassaaq. Naliliineq kingusinnerpaamik 2024-mi Inatsisartut ukiakkut ataatsimiinneranni agguanneqassaaq